

lierung deren/ denen er seyn Haushaltung befohlen/
als der Haußfrawen vnd anderer verweser seiner ar-
beyt/sonder auch selbst der Güter verderblichen schad-
den: Also daß er denen/welchen er zuvor seine Hauß-
haltung vertrauet/nichts fernet werde könnē vnter-
handen geben/Dann solche Personē bedörffen forthin
der Ringe vnd dergleichen Tierden nicht mehr. Ein
solcher Traum hat auch vielen erblindung bedeutet:
Dann die Ring ein gemeynschafft haben mit dem Ges-
sicht/vmb des Gesleyns willē/der scheinbarkeit halbē.

Durch die Schuch wird eben das bedeut/wie von
den Kleydern gesagt ist.

Haar strälen/vnd zöpff machen.

Das VI. Capitel.

Das Haar kânen oder strälen/ist beyde Weib vnd
Mann gut vnd glückhafft/Dann dardurch wird
ein zeit oder weil bedeut/in welcher etwas harts vnd
verwirrtes zu recht gebracht vnd geschlichtet würd.
Aber zöpff machen vnd das Haar zusammen flechten/
dienet alleyn den Weibern/vnd den Mannen/welche
sonderlichen fleiß zu dergleichen narrechter hoffart als
Krauß Haar zumachen/anwenden. Andern Leuten
bedeut es verwirrung vnd verhaßung vmb grosse
schuld/auch etwa gefängnuß vnd entpörung.

Spiegel sehen vnd anschawen.

Das VII. Capitel.

Käumer einem/wie er vor dem Spiegel stande/
vnd seyn eygene form vnd bildnuß sehe/ist Weib
vnd Mann in gleich gut/Dann dardurch wird ihnen